

ՉԱՐԵՆՆԵՐ ԱՐԵՂԱ ԿԱՐԱՂՅԱՆ

ՄՇԱԿՈՒԹԱՅԻՆ ԿՅԱՆՔԸ ԷԶՄԻՍՃՆՈՒՄ ՍԿՐՏԻՉ Ա ԿԱԹՈՂԻԿՈՍԻ ՕՐՈՔ (1892-1907)

Ներկայացնելով Խրիմյան Հայրիկի կաթողիկոսության շրջանում Մայր Աթոռի մշակութային կյանքը, չենք կարող չառանձնացնել Խրիմյանի անձը և նրա անձնական ավանդը այդ գործում: Խրիմյան Հայրիկը թեև բարձրագույն կրթությամբ չէր ստացել (սովորել է Լիմ և Կտուց անապատների դպրոցներում), սակայն մշակութի մարդ էր և իր եռանդաշատ հոգևոր գործունեության հենց սկզբից բացում է կրթական ոջախներ Արևմտյան Հայաստանի տարբեր գավառներում (հետագայում՝ նաև Արևելյան Հայաստանում), հիմնում տպարան, գրադարան, հրատարակում թերթեր և ստեղծում առանձնահատուկ ազգային մշակութային արժեք ունեցող գրական գործեր: Նա 1848-50 թվականներին Պոլսի Խասգյուզ թաղամասի աղջկանց վարժարանում եղել է հայերենի և ազգային պատմության ուսուցիչ: 1857-ին հիմնադրել է Վարազա վանքի ժողովրդագրագիշերօթիկ վարժարանը, գրադարանն ու թանգարանը: Այստեղ Բաֆֆու հետ միասին հիմնել է հայրենասիրական գրականության խմբակ: 1863-ին վերաբացել է Տարսնի վարժարանը: 1856-ին Վարազի մեջ հիմնել է տպարան, ուր երկու տարի անց հրատարակել է «Արծիվ վասպուրականի» ամսաթերթը: 1863 թվականին հրատարակել է նաև «Արծիվի Տարօնոյն» ամսաթերթը: 1880-ին վաճառելով Խրիմյանը բացել է երկրագործական ուսումնարան: Խրիմյանից մենք ժառանգել ենք հայրենասիրական, քաղաքացիական բնույթի առանձնահատուկ նշանակություն ունեցող գործերի հավաքածու՝ «Հրավիրակ Արարատյան», «Հրավիրակ երկրին Ավետյաց», «Մարգարիտ Արքայության Երկնից», «Խաչի ճառ», «Ժամանակ և խորհուրդ յուր», «Վանգույժ», «Հայգույժ», «Դրախտի ընտանիք», «Միրաք և Սամվել», «Պապիկ և թոռնիկ», «Թագավորաց ժողով», «Հիսուսի վերջին շարաք», «Կորուսելով իմաստութեան»:

Փորձենք մեր ուժերի ներածին չափով և Աստծու օգնությամբ առանձին բաժիններով համառոտակի ներկայացնել Խրիմյանի կաթողիկոսության օրոք Ա. Էզմիածնի մշակութային կյանքի ընդհանուր նկարագիրը:

I

ՉՈՔԵՎՈՐ ՃԵՍԱՐԱՆ

«Դպրեկանքը ժողովրդիցն է» ԳԱՐԵԳԻՆ Ա ԿԱԹՈՂԻԿՈՍ ԱՍՏԵՆԱՅՆ ՀԱՅՈՑ

Խրիմյանը, դառնալով Ամենայն Հայոց Կաթողիկոս, բացում է վերաբացում է բազմաթիվ դպրոցներ Հայաստանի տարբեր նահանգներում և գավառներում: Նա իր կոնդակներով հաճախ խրախուսում էր դպրոցների հոգաբարձուներին և ուսուցիչներին: Իսկ երբ ցարական իշխանությունները փակեցին հայկական

դպրոցները Արևելյան Հայաստանում, կանոնավոր գործող միակ ուսումնական հաստատությունը մնաց Ս. Էջմիածնի հոգևոր նեմարանը:

Խրիմյանի օրոք հեղինակավոր մտավորականներ էին ներմարանում դասավանդող մանկավարժները՝ Կարապետ վրդ. Տեր-Մկրտչյան, Մ. Արեղյան, Կ. Կոստանյան, Հովհ. Հովհաննիսյան, Գարեգին վրդ. Հովսեփյան, Կոմիտաս, Եկմալյան, Հ. Մանանդյան, Ստ. Լիսիցյան, Վ. Սուրենյանց և ուրիշներ: Հարկ է նշել, որ 1892-1907 թվականներին նեմարանի տեսչությունը վարել են Արագիս եղիսկուպոսը, Արիստակես եպս. Սեդրակյանը, Կարապետ Կոստանյանը, Կարապետ եպիսկոպոս Տեր-Մկրտչյանը, Մեսոպ եպիսկոպոս Տեր-Մովսիսյանը: Մեծ է հատկապես Կարապետ եպս. Տեր-Մկրտչյանի ավանդը նեմարանի ուսումնական կյանքի կազմակերպման և հոգևոր դաստիարակության գործում: 1899 թվականին Կոստանյանի հրաժարականից հետո, հունիսի 30-ին, Խրիմյան վեհափառի N 298 կոնդակով նեմարանի տեսուչ է կարգվում նախկին տեսչի օգնական Կարապետ վրդ. Տեր-Մկրտչյանը (տե՛ս «Արարատ», 1899, էջ 291): Կարապետ վարդապետը, նեմարանն ավարտելուց հետո, իր ուսումը շարունակել էր Գերմանիայի Եշանավոր համալսարաններում, ապա վերադարձել էր Մայր Աթոռ և Աստվածաբանության դասախոս էր հոգևոր նեմարանում: Ուսանողության համար նա մշակեց Աստվածաբանական ուսուցման նոր մեթոդ (եղանակ), որով նրանց հաղորդակից էր դարձնում եվրոպական լուսավորության շրջանի փլիլիսոփայությանն ու եվրոպական նոր շրջանի Աստվածաբանական ըմբռումներին: Մեծ է եղել նրա դերը նեմարանի կրթական-բարոյական առողջ մթնոլորտի պահպանման գործում: Թեպետ նրա տեսչության ժամանակահատվածն ընդգրկում է երեք տարի, բայց այդ տարիները նեմարանի համար եղան հոգևոր և կրթական վերափոխման ու առաջադիմության շրջաններ:

Խրիմյանի կաթողիկոսության շրջանում նեմարանում առարկաները բաժանվում էին 3 խմբի.

1) Կրոնագիտական՝ Աստվածաբանություն, Հայրաբանություն, Հայ Եկեղեցու պատմություն, Ընդհանուր Եկեղեցու պատմություն, Հին և Նոր Ուխտերի պատմություն, Ծիսագիտություն, Բարոգիտություն, Շարականագիտություն:

2) Հումանիտար գիտություններ՝ Հայոց լեզու (գրարար և տշխորնարար), լատիներեն, հունարեն, գերմաներեն, ֆրանսերեն, այնուհետև՝ ռուսաց լեզու, պատմություն, հայոց մատենագրություն, հայագիտություն, գրականություն, վայելչագրություն, գծագրություն, նկարչություն:

3) Բնական գիտություններ՝ Երկրագիտություն, ֆիզիկա, երկրաչափություն, աշխարհագրություն, բուսաբանություն, աստղագիտություն, մարդաբանություն:

Այսած 1906-07 թվականներից նեմարանում դասավանդվում է նաև իրավագիտություն, տնտեսագիտություն, ազգագրություն առարկաները¹: Նշենք նաև, որ կրոնագիտական առարկաների ծրագրերը արժանանում էին անձամբ վեհափառ Հայրապետի քննությանն ու հաստատմանը: Առարկաների բազմազանությունը ներմարանում, հատկապես բնական գիտություններին վերաբերող առարկաները, մեկ անգամ ևս ապացույց են այն բանի, որ Մկրտիչ Ա-ի գահակալության տարիներին նեմարանը Հայաստանում հանդիսացել է միակ պարբերաբար, հստակ կրթական ծրագրերով գործող ուսումնական կենտրոնը:

¹ Տե՛ս. Գամաղեկյան, «Նվիրում կրթական գործին», 1986 թ., էջ 65:

Ճեմարանում եկեղեցական տոների կապակցությամբ հաճախ կազմակերպվում էին տարբեր հանդիսություններ: «Արարատ» ամսագիրը թերթելիս հաճախ հենց հանդիպում այսպիսի միջոցառումների մասին տեղեկությունների և դրանցից իմանում հենց, որ զանազան առիթներով հավաքված ուսանողությունն ինչպես է ոգևորվում Խրիմյանի հայրենաշունչ քարոզներից, ինչպիսի ոգևորությամբ է կատարում շարականներն ու ժողովրդական երգերը՝ Կոմիտասի նվագակցությամբ, թե ուսանողությունն այս ամենից տպավորված լինելով ինչ առաջընթաց է ապրում: Այս բոլոր հանդիսություններն ու երեկույթները նպաստում էին նեմարանի ուսանողության գեղազիտական նաշակի ձևավորմանը և նրանց կապում էին գիտության, արվեստի, մշակույթի ավանդների հետ, բարձրացնում սաների իմացական մակարդակը: Ահավասիկ, այս կյանքով էր ապրում Ռոզեոթր նեմարանը Մկրտիչ Ա-ի կաթողիկոսության տարիներին: Այդ տարիներին, նեմարանի հարկից ներս, ականավոր հայ մտավորականների դասավանդությամբ և նրանցից փոխանցվող ճարտուստ փորձով կրթվում էր մտավոր և իմացական կարողություններով օժտված մի սերունդ: Թեպետ Մկրտիչ Ա-ի ջանքերով 1905 թվականին վերաբացվեցին Հայաստանի ծխական և մյուս դպրոցները, սակայն նեմարանի հեղինակությունն ու կարևորությունը պահպանվեց, իսկ նորաբաց դպրոցների վերագարթոնքին և բարգավաճմանը նպաստեցին նեմարանավարտ ուսուցիչները:

II

*« Գիրն անբաժան գեներն է
 Հայաստանեայց եկեղեցւոյ սպասաւորութեան
 նուիրական կոչումին գինուորացրուած մարդուն »
 ԳԱՐԵԳԻՆ Ա ԿԱԹՈՂԻԿՈՍ ԱՄՆԵԼԱՅՆ ՀԱՅՈՑ*

ՄՇԱԿՈՒԹԱՅԻՆ - ԵԿԵՂԵՑԱՎԱՆ ՂԵՄՔԵՐ

Այժմ տեսնենք, թե Մկրտիչ Ա Խրիմյան Կաթողիկոսի օրոք էջմիածնի միարանության մեջ ինչ նամաչված դեմքեր կային, և նրանք իրենց գործունեությամբ մեր մշակույթի որ ճյուղի գարգացմանն եմ նպաստել:

Խրիմյան Վեհափառի հայրապետության տարիներին Հայաստանն ապրում էր ծանր օրեր: Ժողովուրդը, չհաշտվելով իր ծանր կյանքի և ստեղծված վիճակի հետ, լքում էր մայրենի երկիրը, բռնում Անդրկովկաս և Ռուսաստան տանող պանդխտության նամապարհները: Իր ժողովրդի ցավերով ապրող և տառապող Խրիմյանը, լինելով ողջ ազգի Հայրիկը, տեսիլքով տեսնելով իր ժողովրդի լուսավոր ապագան, հուսադրում, դաստիարակում է իր հոտին: Մկրտիչ Ա-ը այդ ծանր իրավիճակում խիստ կարևորում էր ժողովրդի ազգային նկարագրի պահպանումը: Այս առումով անժխտելի է նրա «Պապիկ և Թոնցիկ» ստեղծագործության դերը: Խրիմյանն այս գործով նպատակադրվում է, Վազգեն Ա երջանկահիշատակ Կաթողիկոսի բառերով ասած. «Յեղաշրջում յառաջ բերել այդ ժողովրդի կենանքին մ'էջ դաստիարակչական աշխատանքով, կրթական միջոցներով՝ բարձրացնելու համար ժողովուրդը դեպի անելի լուսաւոր ու ազատ գիտակ-

ցուժեան մը, դեպի աւելի բարոյական քննարկումներու հորիզոն մը...»²: «Պապիկ և Բոնիկ» գործը Խրիմյանի՝ նաև հայ գյուղացու հանդեպ ունեցած գերագույն սիրո արտահայտութիւնն է. «Պապիկ և Բոնիկ քեզ համար գրեցի և քո անվան նվիրում եմ իմ սիրելի դաշտաբնակ մշակ ժողովուրդ...»³: Այս աշխատութեան մեջ Խրիմյան Հայրապետը տալիս է հայ գյուղական կյանքի հարազատ նկարագիրը՝ իր բարոյութեաններով և հոգեվիճակով: Եվ ապա, այդ ծանր կյանքն իմաստավորելու, նշմարիտ ուղղու վրա դնելու համար նա տալիս է իր իմաստուն խրատներն ու խորհուրդները: Շարունակ գովերգվում է հայրենի հողի հանդեպ մշակի ունեցած սերը: Խրիմյանը ժողովրդին հողի տերն է համարում, դժբախտ է համարում հայ գյուղացուն այն դեպքում, երբ նա լքում է իր հայրենի հողը: Ահա թե ինչ է պատմում պապիկը. «Այո՛, Հայրիկ մի կարջ պատասխան տուաւ, խեղճ գաւակներս, ասաց, այդ բոռը պիտի կրեք մինչև կարդալ-գրել սորուեք, մինչև նանչնաք ձեր գեղին ու հողին արժեքը, ուր եթէ թափեիք ձեր այդ չափ աշխատութեան քրտինք, երբեք պանդխտութեան երես չեիք տեսնար»⁴: Խրիմյանի այս գործը հայ մարդուն ավանդում է.

1) Սեր հայրենի հողի նկատմամբ, որով է պայմանավորված հայ գյուղացու նկատագրին ու ինքնությունությունը, որով իմաստավորվում է նրա կյանքը: Խորհրդանշական է պապիկի՝ Բոնիկ պակելը հողի հետ, որը հայրենի հողի հանդէպ ունեցած շեմագիճն սիրո արտահայտութիւնն է. «Եվ ինչպես Շուշանին նև կապեց դը՛գ քահանան, և դու տեր ես մինչև ի մահ, կարող չես զինքն բռնուլ, այնպես ես պապիկն՝ գքեզ պակելով կը կապե մայրենի երկրին հետ, որ հավիտյան չը պիտի բողբուս»⁵:

2) Հարգանք նկեղեցու և հավատքի նկատմամբ, որն արտահայտվում է պապիկի մեռնելուց առաջ նկեղեցի գնալով. «Պետք է խոստովանիմ, աղոթեմ, վերջին Պատարագ տեսնեմ, Սուրբ Հաղորդութիւն առնեմ, այն է՝ իմ վերջին թռակս. կը հավատամ, որ այդ Քրիստոսի ավանդած կենաց Հացի թռակով արժանի կլինեմ Սուրբ Արքայութեան»⁶:

3) Աշխատասիրութիւն, որ Խրիմյան Հայրիկը գեղեցկորեն արտահայտում է պապի հոգին ավանդելու պատկերի մեջ. «Եթե յուրաքանչյուր, ինչ որ ցանք է այս աշխարհիս մեջ՝ գայն պիտի հնձն անդիի աշխարհ, ուրեմն Երկնից Արքայութեան մեջ ինձ համար գործ կա, այստեղ ցանածս, այնտեղ բուսած կլինի և հասած է այժմ, իմ գերանդիս հետս առնեմ, որպեսզի ցանածներս քաղեմ»⁷:

4) Ընտանեասիրութիւն: Ընտանիքը միշտ էլ եղել է յուրաքանչյուր հայի բարոյականությունը և արժանապատվությունն արտահայտող օրրանը, ուստի պապիկը կտակում է. «Այրի քո ծնող մայրիկիդ, որ այսօր մեր տան տանտիկինն ու տնտեսն է, պետք է ամենայն ակնածութեամբ պատվես իբրև ծնող մայր... յուր

² «Խրիմյան Հայրիկ որպես դաստիարակ», Նյու Եորք, 1987 թ., էջ 18:

³ «Պապիկ և Բոնիկ», Երևան, 1992, էջ 22:

⁴ Նույն տեղում, էջ 26:

⁵ Նույն տեղում, էջ 137:

⁶ Նույն տեղում, էջ 160:

⁷ Նույն տեղում, էջ 178:

ծերության ժամանակ ամեն խնամք պետք է տանես նորա վրայ»⁸: Մի ուրիշ տեղում. «Կապանդիմ քեզ, մեր մահապետական տան պատկառանքն ու պարկեշտութիւն. պետք է անեղծ պահես այդ տոնմական առաքինութեան»⁹: Մկրտիչ Ա. Կաթողիկոսի «Պապիկ և թռնիկ» գիրքը եղավ հասարակ լայնը հայ ժողովրդի կյանքի ծանր օրերում: Ահա թե ինչ է գրում Թորգոմ Գուշակյան Պատրիարքն այս գրքի նշանակութեան մասին. «Այն փառքն է սակայն հայ սրտին և հայ հոգեբանութեան. անիկա անլուռ ապացույցն է այն սփոփիչ իրականութեան. թե Հայ Եկեղեցիին հոգին հայ ժողովրդին սրտին մեջ միայն կրնա տրոփել, ու իր պետին համար չկա ավելի արժանավոր մտագրավում մը քան ժողովրդին կյանքն ու ազագան»¹⁰:

Կարապետ եպս. Տեր-Մկրտչյան

Մկրտիչ Ա-ի կաթողիկոսութեան տարիներին, Գևորգյան նեմարանի առաջին սերնդի հայ հոգևորականների կողմից որոշակիորեն զայլացավում էր Աստվածաբանական միտքը էջմիածնի միաբանական կյանքում: Այս շրջանում Աստվածաբանական մտքի ջահակիր կարելի է համարել Կարապետ եպիսկոպոս Տեր-Մկրտչյանին: Ահա թե ինչ է գրում նա. «Աստուածաբանութիւն կոչուած գիտութիւնը բաւարարին այն չե, ինչ որ մեր ուսումնականները երեսակայում են, այլ մի ուրիշ, քաղաքակիրթ աշխարհի հետ շփումն ունեցող եկեղեցւոյ համար անհրաժեշտ բան...»¹¹: Նա Աստվածաբանական բազում հոգվածներով և խմբագրականներով 1894-1903 թթ. հանդես է եկել «Արարատ» ամսագրի էջերում: Այդ հոգվածների ժողովածուն՝ «Գրիստոնեութեան իսկութունը», վերջերս՝ 1993 թվին, հրատարակվել է Անթիլիասում, նախնականութեամբ Գարեգին Բ Կիլիկիո, իսկ այժմ՝ Գարեգին Ա Ամենայն Հայոց Կաթողիկոսի: Եվ հիրավի Կ. եպոս. Տեր-Մկրտչյանն իր Աստվածաբանական մտքի նկունութեամբ և իմաստութեամբ վեր է հանում քրիստոնեական դավանանքը բնորոշող գծերը, համազօչ փաստերով ապացուցում դրանց իսկութունը, իսկ իսկութունը հասկանալու համար քարոզում հավատ և սեր:

Կարապետ եպիսկոպոսը որպէս Աստվածաբան փայլեց իր «Պողիկյանները Բյուզանդական կայսրութեան մեջ և ցեղակից երկուլթներ Հայաստանում» գործով, որը Գերմանիայում սովորելու տարիներին նրա դոկտորական թեզն էր¹²: Այն լույս տեսավ 1893 թվին Լայպցիգում և պատմառ դարձավ, որպէսզի Եվրոպայի մի քանի աստվածաբաններ որոշակի ուսումնասիրեն պալիկյան տղանդը: Կարապետ եպիսկոպոսի անվան հետ են կապված նաև Աստվածաբանութեան ասպարեզի երկու կարևոր ձեռագրագիտական հայտնութիւններ:

1) 1897 թվին նա ձեռագրերի էջերում գտավ Տիմոթեոս Կուզի «Հակահառութիւն Քաղկեդոնի ժողովի դեմ» դավանաբանական գործը, որի հունարեն բնագիրը չէր պահպանվել:

⁸ Նույն տեղում, էջ 160:

⁹ Նույն տեղում, էջ 161:

¹⁰ «Խրիմյան Հայրիկ», 1990, Անթիլիաս, էջ 152:

¹¹ «Արարատ», 1899, էջ 426:

¹² Մ. Արեղյան, երկեր, է, էջ 441:

2) 1904-ին Սուրբ Իրենիոսի «մոյցք առաքելական քարոզութեան» աշխատութեան հայերեն միակ օրինակը, որի բնագիրը ևս չէր պահպանվել: Այս երկու գործերի հրատարակումը խորը ազդեցություն գործեց ժամանակի միաբանական մթնոլորտի վրա՝ գրավելով նաև ուշադրությունը եվրոպական հայագետներին: Կարապետ եպոս. Տեր-Մկրտչյանն այս շրջանում ամբողջացրեց նաև քանահյուսական, հայագիտական և ազգագրական շատ ուսումնասիրություններ, որոնք պարբերաբար տպագրվում էին ժամանակի «Արարատ» ամսագրի էջերում: Նա մեր եկեղեցու օրդեգրած Աստվածաբանությանը հաղորդեց իր ժամանակաշրջանի գիտական ուղղվածությունը և զարգացրեց այն՝ իր առանձնահատուկ ուրույն մտածողությամբ:

Մեսրոպ արք. Սմբատյանց, Խաչիկ վրդ. Դադյան

Խրիմյան Կաթողիկոսի գահակալության օրոք էր գործում նաև Մայր Աթոռի միաբան, հնագետ Մեսրոպ արքեպս. Սմբատյանցը, որն իր քաղում գիտական-հրատարակչական աշխատություններով նպաստել է հնագիտության զարգացմանը: Նրա համար ուսումնասիրության հիմնական քննադատ է եղել հատկապես քննադրությունն ու տեղագրությունը, որը դարձել է նրա բազմաթիվ աշխատությունների ճիմքը: Նա մեծ թվով սեպագիր արձանագրություններ է հայտնաբերել և դրանց հրատարակել «Արարատ» ամսագրում¹³: Հիշատակելի է նրա «Տեղագիր Գեղարքունի Մավազարդ գավառի, որ այժմ Նոր-Բայազիտ գաւառ» գիրքը, որը Խրիմյանի ժամանակաշրջանում լույս տեսավ:

Մեսրոպ արքեպիսկոպոսն այս գրքում նկարագրում է այնպիսի վանքեր և եկեղեցիներ (Նրևանի Սուրբ Պողոս և Պետրոսը, Կաթողիկեն), որոնք քանդվել են 20-րդ դարի 30-50-ական թվականներին, բուլղարիկների վարած աթեիստական զագաճարար քաղաքականության պատճառով և հիմա գոյություն չունեն: Այս գրքի պատմական արժեքը կարևորվում է հիմնգ սեպագիր արձանագրությունների նկարագրմամբ, որոնք մեծ դժվարությամբ հայտնաբերել և ուսումնասիրել է Մեսրոպ արքեպիսկոպոսը: Գրանց մեր պատմության ձևավորման շրջանին վերաբերող քարե վավերագրեր են:

Հայոց Գեղարքունիք գավառի և հարակից շրջանների տեղագրությունը Սմբատյանցի տասնյակ ուսումնասիրություններից մեկն է, որը ընթերցողին ամփոփականորեն կապում է իր հայրենիքի, իր նախնիների և իր պատմության հետ: Այս գիրքն ունի և պատմական, և գեղարվեստական, և լեզվագիտական քարճարճեք նշանակություն:

Խրիմյանի կաթողիկոսության շրջանում էր, երբ էջմիածնի միաբան Խաչիկ վրդ. Դադյանի ջանքերով պեղվեց և հայտնաբերվեց հրաշակերտ Ջվարթնոցի տաճարի ավերակները, որոնց հիման վրա Քորոս Քորամանյանը վերականգնեց տաճարի կառուցվածքային հատակագիծը: Նշենք նաև, որ Խաչիկ վրդ. Դադյանի հնագիտական աշխատություններին առնչվող մի շարք հոդվածներ են հրատարակվել «Արարատ» ամսագրում¹⁴, որոնցից տեղեկանում ենք հնագիտական արժեքավոր գտածոների մասին:

¹³ «Արարատ», 1894, էջ 373-375, 1895, էջ 348, 204-206 և այլն:

¹⁴ Տե՛ս «Արարատ», 1895 թ., էջ 426, 313:

Գարգին վրդ. Գոլսեփյան և Կոմիտաս

Այս շրջանում հայագիտական և քանասիրական մեծ գործունեություն ծավալած հռանդուն գործիչներին էր Գարեգին վրդ. Հոսեփյանը (հետագայում՝ Մեծի Տանն Կիլիկիո Գարեգին Ա Կաթողիկոս): Նրա հայագիտական քարձր պատրաստվածությունը ծանոթանում ենք՝ կարդալով Սր. էջմիածնի ժամանակի պաշտոնաթերթ «Արարատ» ամսագրում տպագրված «Հայագիտական տեղեկություններ» խորագիրը կրող հոդվածաշարը¹⁵: Այս հոդվածներով Գարեգին վարդապետը տեղեկացնում է մեզ հայագիտական որևէ նորություն մասին և ապա կատարում գիտական վերլուծական եզրակացություն: Հարկ եմ համարում բավական խրամյանի օրոք լույս տեսած նրա հայագիտական-քանասիրական գործերը: 1890 թ. լույս է տեսնում գիտնական-վարդապետի «Փշրանքներ ժողովրդական քանահյուսությունից» և «Սասնա ծռեր» գրքերը, որոնցից վերջինը հայկական ժողովրդական էպոսի նորահայտ մի տարբերակի նրա գրառումն է: 1899-ին՝ «Մխիթար Սասնեցի», «Մանրանկարչության արվեստը հայոց մեջ»՝ 1902-ին, 1903-ին՝ «Խոսրովիկ Քարգմանիչ», և 1905-ին՝ «Դոստոս ժողովրդական վեպը մեկայ քարառով» աշխատությունները¹⁶: Այս ուսումնասիրություններից հիշարժան և հանրահայտ է Ց-րդ դարի պատմիչ Խոսրովիկ Քարգմանչի մասին ծավալուն հոդվածաշարը, որը տպագրվել է «Արարատ» ամսագրում 1899 թ. մայիսից մինչև դեկտեմբեր լույս տեսած համարներում: Այս ուսումնասիրության մեջ Գարեգին վարդապետը անդրադարձել է Ց-րդ դարի հայ մշակույթի պատմության հարցերի համեմատական քննությանը և քացահայտել այդ շրջանի և հատկապես Խոսրովիկ Քարգմանչի մատենագրության գեղարվեստական և լեզվա-տնական յուրահատկությունները, հաստատել այդ գործերի Խոսրովիկին պատկանելը:

Հայագիտության մեջ հայ երաժշտական ազգագրության գիտական ուսումնասիրության հիմնադիրն է եղել Կոմիտաս վարդապետը: 1899 թ. նա դասախոսություն է կարդում Բեռլինում և օտարներին ծանոթացնում մեր ազգային-եկեղեցական երաժշտությանն ու երգարվեստին: Կոմիտասը հեմարանում ուսանելուց և Մակար Եկմալյանի մոտ կատարելագործվելուց հետո (1896-99 թթ.), խրամյան Հայրիկի աջակցությամբ մեկնում է Գերմանիա և իր երաժշտական ուսումնառությունը կատարելագործում Բեռլինի երաժշտանոցում: Վերադառնալով էջմիածին, նա իր ողջ իմացական կարողությամբ նվիրվում է ազգային երաժշտության զարգացման գործին: Ահա այս ժամանակ է, որ անվանի հայագետ-քանասիր Մանուկ Աբեղյանի հետ կազմում է «Հագար ու մի խաղ» երգարանի առաջին մասը: Կոմիտաս վարդապետը, գեղջկական կյանքից վերցնելով ժողովրդական երգերը, դրանց մեջ հայտնաբերելով եղանակների յուրահատուկ հնչողությունները, ներդաշնակություն, երաժշտական-գեղագիտական հաշակ, ազգային երանգ, մշակել է, հղկել դրանք և փոխանցել դրանք: Նրա վիպերգերը, անտունիները, հոգևոր երգերը, Աստվածահնչուն Սուրբ Պատարագի երգեցողությունը դասվում են հայ ժողովրդի մշակութային մեծագույն հայտնությունների շարքը:

Հիշատակության է արժանի նաև մեր եկեղեցու հոգևոր երաժշտական կյանքում տեղի ունեցած կարևորագույն մեկ իրադարձություն՝ 1899 թվականին,

¹⁵ «Արարատ», 1900, էջ 76, 266:

¹⁶ Գամաղեկյան, «Նվիրում կրթական գործին»:

Խրիմյան Հայրիկի կոնդակով, եկեղեցիներում թույլատրվեց Մակար եկմալյանի քառածայն Պատարագի կատարումը, որի երկնային հնչեղությունը շնջում է ժամանակի և տարածության զգացողականությունը և հայ հավատացյալի հոգին բարձրացնում երկիցք, լսողին դարձնում ունկնդիր եղբմական ջիմջ ելևեջների:

Վերը մենք փորձեցինք մերկայացնել էջմիածնի մշակութային կյանքը Խրիմյան կաթողիկոսի օրոք և փորձեցինք բնութագրել ժամանակի նշանավոր մշակութային գործիչների և լուսավորության ասպարեզի մշակ հոգևորականների գործունեությունը: Այդ ժամանակաշրջանի մշակութային և գիտական կյանքի զարգացման գործում մեծ է Լդել նաև ուրիշ շատ հոգևորականների և աշխարհիկ մտավորականների դերը. նրանցից են՝ Երվանդ Տեր-Մինասյանը, Գալուստ Տեր-Մկրտչյանը, Մեսրոպ Մազիստրոս Տեր-Մովսիսյանը, Մանուկ Աբեղյանը, Հակոբ Մանանդյանը, Հրաչյա Աճառյանը, Հովհաննես Հովհաննիսյանը, Ստեփանոս Լիսիցյանը, Մակար եկմալյանը, Կարա-Մուրզան, Վարդգես Սուրենյանցը, Նդիշե Թադևոսյանը և ուրիշներ. որոնք նպաստել են այդ ժամանակաշրջանի հայագիտության, լեզվագիտության, պատմագիտության, գրականության և արվեստի տարբեր բնագավառների զարգացմանն ու ծաղկմանը: Սակայն նրանց գարծը չպարփակվեց միայն իրենց սպրած ժամանակի մեջ: Նրանց ստեղծագործությունները ոչ թե մի ժամանակաշրջանի համար էին, այլ մեր ժողովրդի ամբողջ պատմության համար:

*«Դրո՞վ ու գրո՞վ հայտնված, միտ՞ն ու գաղափարը
ոչ միայն ավելի հարատև է, այլև ծավալված
ըստ ժամանակի և տարածության»*
ԳՎՐԵԳՈՍ և ԿԱԹՈՂԻԿՈՍ ԴՈՎԱՄԵՓՅԱՆՑ

III

ՏՊԱԳՐՈՒԹՅՈՒՆ

Խրիմյան Հայրիկի օրոք տպագրության ասպարեզում ևս նկատելի առաջընթաց արձանագրեց, որը ժողովրդին գիր ու գրականությանը, մշակութային արժեքներից հաղորդակից դարձնելու միջոց հանդիսացավ: Մշակույթի, գիտության, լուսավորության ասպարեզի բոլոր նվաճումներին ժողովուրդը հաղորդակից էր դառնում տպագրության միջոցով: Հիրավի, Խրիմյանի ժամանակ տպագրության կենտրոն էր դարձել Սիմեոն Երևանցի Կաթողիկոսի ջանքերով 1771 թվին հիմնված Մայր Աթոռի տպարանը: Հայրիկը տպարանի դերը կարևորելով ժողովրդին կրթելու գործում, 1889 թվականին կառուցում է տպարանի նոր շենք, և մի շարք բարեփոխությունների արդյունքում կատարելագործվում և հարստանում է տպագրական տեխնիկան և տառերի տեսականին, որից էլ բարձրանում է տպագրական արտադրանքի որակը: Տպարանի, այդ շրջանում կատարելագործման իրողությունն է վկայում այն փաստը, որ 1895 թվականին Մայր Աթոռի տպարանը մասնակցում է Պետերբուրգում րացված տպարանական օւցնանդեսին¹⁷:

Մկրտիչ Ա. Կաթողիկոսի օրոք Մայր Աթոռի տպարանում լույս տեսան եկեղեցական-ծխագիտական գրքեր՝ Մաշտոցների, ժամագրքեր, Աստվածաբա-

¹⁷ «Արարատ», 1895, էջ 70:

նական, կրոնա-քաղաքական, երաժշտագիտական, հնագիտական, բանասիրական և այլ բովանդակությամբ գրականություն:

Հիմնվելով «Արարատ» ամսագրում տպագրված հրատարակչական նորությունների և հոգևոր նեմարանի գրադարանի գրքացանկերի հաշվառման վրա, փորձենք ներկայացնել Խրիմյանի կաթողիկոսության ժամանակ Մայր Աթոռի տպարանում լույս տեսած գրքերի մատենագիտությունը.

1. Նոր Կտակարան-1906
2. Յուդայերից Ավետարան-1905
3. Հին և Նոր Կտակարաններ-1905
4. Ժամագիրք-1903
5. Մաշտոց-1905
6. Տոնացույց-1906
7. Մ. Եկմալյանի քառածայն երգասացութիւնք Ս. Պատարագի-1899
8. Ն. Նեպիև, «Ի մէջ է հշմարտութիւնը», Քարգմ. Հ. Մամրբի վարդապետի-1903
9. Ամբրոսիոս Գալֆայան, «Պատմութիւն Աստուածաշունչ Աուրբ Գրոց Հին Կտակարանի»-1897
10. Գր. Խալաթյանց, «Ա և Բ Մնացորդաց գրքերի նորագիւտ հայ թարգմանութիւնը»-1896
11. Հայրիկ, «Հիսուսի վերջին շաբաթ», «Խաչի ճառ» և «Կորուսելոյ իմաստութեան»-1894
12. Պետրով Հ., «Ավետարանը պատմության մեջ»-1902
13. Պողոս Պատրիարք Ադրիանապոլսեցի, «Ջանազանութիւն հինգ դարուց», Եռանասոր-1902
14. Էմմանուել Խաչատրյանց քահանա, «Պարզ քարոզներ»-1895
15. Արշակ Տեր-Միքայելյան, «Աստուածաբանական գիտութիւններ»-1893
16. Արսեն վրդ. Բագրատունի, «Հոգևոր ըմբօրիք քրիստոնեա ըմտամիքների համար»-1901
17. Հայր Մակար Բարխուդարյանց, «Մատչելի քարոզներ»-1901
18. «Կրօնաբանական խորհրդածութիւններ»-1896
19. Տողդ. «Մեղքի գղջումն»-1894
20. Ֆ. Ֆարբար, «Բարոզներ»-1901
21. Մխիթար վրդ., Տիգրանյան Սիրական, «Կոնօնք Դվմալ Ս. Ժողովոյն»-1905
22. Աուվորով Ն., «Նկեղեցու և պիտութեան ճարտարութիւնները»-1902
23. Պետրով, «Զգաստութեան առաքյալներ»-1905
24. «Մաղթանք վասն Հայրապետի ազգիս»-1895
25. Հովնան Կրոնավոր, «Նկարագրութիւն հոգևոր վարուց Հովասափու որդւոյ թագաւորին ճնդկաց»-1897
26. Հուսիկ վրդ. Մովսիսյան, «Անապատականներ և վանականութիւն»-1906
27. Խրիմյան Հայրիկ, «Մարգարիտ Արքայութեան Երկնից»-1894
28. Հովնանենս Եպիսկոպոս, «Յերուսաղեմի Յովնանենս Եպիսկոպոսի թուղթը առ Արաս Ազուանից կաթողիկոս»-1896

29. «Առկրատայ պատմութիւն եկեղեցւոյ ե վարք Արրոյն Սեղրեստրոսի»-1897
30. «Առկրատայ Արալաստիկոսի եկեղեցական պատմութիւն»-1897
31. «Կրօնի ե կրօնի գիտութեան էութիւնը»-1907
32. Գր. Լուսավորիչ, «Յանախապատում հառք»-1894
33. «Խաչատուր արեղա Ջուղայեցու պատմութիւն Պարսից»-1903
34. Մեսրոպ վրդ. Տեր-Մովսիսյան, «Ուղեւորութիւն Տ. Տ. Մկրտիչ Ա Վեհափառի Ամենայն Հայոց Երուսաղեմից հշմիածին»-1894
35. Գ. վրդ. Հովսեփյանց, «Միսիթար Սասնեցի»-1899
36. Կ. Կոստանյանց, «Տէր Պետրոս Ա Գետադարձ»-1897
37. Կ. վրդ. Տեր-Մկրտչյան, «Ներբողեան յաղագս վարուց եւ մահուան Ա. Վարդապետին Մեսրոպայ»-1897
38. Կ. Կոստանյանց, «Հակոբ Կարնեցի»-1903
39. Կ. Կոստանյանց, «Ա. Լուսավորչի օնախը»-1896
40. Ղլտնյան Արսեն վրդ., «Կամօնը Պարտավի ազգային ժողովոյն»-1905
41. Ղլտնյան Արսեն, «Կամօնը Ներսես Բ Կաթողիկոսի և Ներշապուհ Մամիկոնեցից եպիսկոպոսին»-1905
42. Միսիթար վրդ., «Հայերը Ռուսաստանում»-1905
43. «Հայաստանեայց Առաքելական Ուղղափառ Աուրք Եկեղեցին և իր Աուրք կարգը»-1897
44. Գալուստ Տեր-Մկրտչյան, «Գրիգոր-Մտնանիհրը Ռածիկ Միհրան տոմից»-1902
45. Գ. Տեր-Մկրտչյան, «Պետրոս Այուլյայց եպիսկոպոս»-1902
46. Գ. Տեր-Մկրտչյան, «Ստեփաննոս Իմաստասեր»-1902
47. Երվանդ Տեր-Մինասյան, «Բարբլուն և Ա. Գիրք»-1903
48. Խրիմյան Հայրիկ, «Թագաւորաց ժողով»-1900
49. Մեսրոպ Արքեպս. Սմբատյանց, «Տեղագիր Գեղարքունի ծովագորդ գաւառի, որ այժմ Նոր Բայազետ»-1896
50. Մինաս քահանա Խումաչյանց, «Ջայնագրեալ տաղարան»-1900
51. Մ. Արեղյան և Կամիտաս, «Հազար ու մի խաղ», Ի մաս-1904
52. Գ. Տեր-Մկրտչյան, «Գավիթ Հարքացի»-1903
53. Գևորգ Ախոյանց, «Կանոնադրութիւն Կոտէից գաւառի հայ քահանաների միութեան»-1907
54. Հովհան Իմաստասեր, «Յովհան Իմաստասեր Հայոց կաթողիկոսի խոստովանութիւնը»-1896
55. Հուսիկ վրդ. Տեր-Մովսիսյան, «Հայրապետական Աթոռի մասին համառոտակի տեղեկութիւն»-1904

Այդ ժամանակաշրջանում մեր եկեղեցական և մշակութային կյանքում կարևոր իրադարձութիւն էր հշմիածնի «Արարատ» պաշտօնաթերթի ավելի ժամանակին համահունչ բովանդակութեամբ լույս ընծայումը: Եթե Խրիմյանի ժամանակ Ս. հշմիածինը Հայաստանի հոգևոր և մշակութային կենտրոնն էր, ապա Մայր Աթոռի «Արարատ» պաշտօնաթերթը այդ մշակույթը ժողովրդին փոխանցողը եղավ: Անգնահատելի է այս ամսագրի դերը լուսավորութեան բնագավառում: Խրիմյանի ժամանակաշրջանում այն դարձել էր մի ողջ ժողովրդի մշակութային

հանրագիտարան: Թերթելով այդ շրջանի «Արարատի» էջերը, մենք տեսնում ենք Աստվածաբանական, բանահյուսական, կրոնագիտական, բարոյագիտական, հայագիտական և անգամ տնտեսագիտական և կենցաղային բովանդակությամբ հռչակածաշարեր: Ժամանակի հոգևոր և մշակութային գործիչներին կարևորագույն ուսումնասիրություններով են զարդարվել «Արարատի» լուսապայծառ էջերն այս շրջանում: Ձեռք կարող չենել Կարապետ եպիսկոպոս Տեր-Մկրտչյանի խմբագրության (1894-99 թթ.) տարիները, որոնք «Արարատ» ամսագրի համար եղան մշակութային և գիտական թեղուն տարիներ: «Արարատ» ամսագիրը մինչև հիմա էլ չի կորցնում իր մշակութային և գիտական արժեքն ու նշանակությունը:

Խրիմյանի կաթողիկոսության ժամանակահատվածում տպագրական գործի թագն ու պսակը պիտի հանդիսանար նոր, դյուրըմբռնելի լեզվով Աստվածաշունչ Մատյանի հրատարակությունը: Գեռևս մեր Սուրբ թարգմանիչ վարդապետները, տառերի ստեղծումից անմիջապես հետո, առաջինը սկսեցին թարգմանել Աստվածաշունչ Մատյանը:

Հետագայում Սուրբ Գրքի աշխարհաբար թարգմանություններն իրենց թարգմանական և լեզվական անկատարությամբ չէին համապատասխանում ժողովրդական մտածողությանն ու գիտակցությանը: Խրիմյան Վեհափառը կատարյալ աշխարհաբարով Սուրբ Գրքի թարգմանության հրատարակությունը համարում էր հայ ժողովրդի բարոյական կյանքը ձևավորող կարևորագույն գործոնը: Անհրաժեշտ էր Աստվածաշնչի նոր հրատարակությունը, որպեսզի Աստվածային Լույսն ու Գիտությունը սփռվեր ողջ հայ ժողովրդի հոգևոր անդաստանում: Մկրտիչ Ա-ը նպատակադրվեց իրականացնել իր երազանքը: Նա Գյուտ և Մեսրոպ քահանաներին ուղարկեց Եվրոպա՝ տպագրության գործը նախաձեռնելու համար: Նա էջմիածին հրավիրեց Նորայր Բյուզանդացուն (որը չեկավ): Սակայն Խրիմյանի իդեերը չիրականացան երկրում տիրող քաղաքական և տնտեսական ծանր իրավիճակի պատճառով: Ինչևիցե, Խրիմյանի այս ձեռնարկը սկիզբ հանդիսացավ՝ հետագայում Աստվածաշունչ Մատյանի կատարյալ թարգմանությունների (լեզվագիտական իմաստով) իրականացման համար:

* * *

Ամփոփելով ասեմք, որ ուսումնասիրելով մեր տրամադրության տակ իզած որոշ նյութեր, մենք եկանք այն հաստատ եզրակացության, որ Մայր Աթոռ Սուրբ Էջմիածնի միաբանությունը Մկրտիչ Ա. Խրիմյանի կաթողիկոսության՝ հայ ժողովրդի համար ծանր և դրամատիկ այդ տարիներին իր մեծ ու անզմահատելի դերը ունեցավ մեր մշակույթի վերագարթոնքի նվիրական գործում: Շնորհիվ Մայր Աթոռ Սուրբ Էջմիածնի թագմավաստակ գիտնական հոգևորականների անզմահատելի աշխատանքի, Եվրոպայի անվանի մշակութային գործիչներն իրենց ուշադրությունը սևեռեցին դեպի Հայաստան: Ճիշտ այս ժամանակ բանասիրության, պատմագիտության, հայագիտության և մի շարք այլ բնագավառներ վերելք ապրեցին:

Այսօր էլ մեր դպրոցն ու մշակույթը կենսահաստատման ու պայքարի բովով են անցնում: Թեևս մեր ժողովրդի նակատագրով էր պայմանավորված, որ մշակութային բազում արժեքներ պիտի ստեղծվեին պատմության դաժան քառուղիներով անցնող ժողովրդի կյանքում, հենց այդ դժվարին ճանապարհին: Ինչպես Մկրտիչ Ա. Խրիմյանի որոք, այնպես էլ այսօր մշակույթը մնում է որպես հզոր գեղեցիկ համար պայքարելու, գոյատևելու և հաղթելու համար: